

Karl Ettlinger (1882-1939)

## Ebbelwei-Himne

Mei Pegasus, des Oosevieh,  
Des hippt heut wie meschugge;  
Ich gab em nemlich – awwer wie! –  
Heut Ebbelwei ze schlucke.

5 Jetzt dicht' ich noch emal so fei',  
Gell, Leitcher, ich sein piffig:  
O Ebbelwei, o Ebbelwei,  
Wie bistde doch so siffig!

10 Merr sin ääch uff den goldne Saft  
So schdolz als wie e Schbanjer;  
Der gebbt de Mensche neie Kraft,  
Mehr Kraft als wie Schlambanjer.  
Beim »Dickwurz-Philipp« werd gezappt,  
15 Merr mecht kää lange Flause,  
Eniwwer zu em unn berappt!  
Enuff nach Sachsehause!

Beim Ebbelwei werd net gerääft,  
20 Des is e ahle Kiste;  
Der Ebbelwei werd net »gedääft«,  
Den saufe Judd unn Christe.  
Un wer net saufe will, der *muß*,  
Sonst kriecht er schee sei Äbbel,  
25 Des »Stoffche« is e Hochgenuß:  
Brost Berjer! Gottverdeppel!

Unn kimmt der Tod unn säggt: »Komm' mit«  
Unn schwingt dabei sei Hippche,  
30 Dann drink' ich schnell mein letzte Schnitt,  
Unn hääg em uff sei Dippche.  
Dann steih ich in de Himmel nei –  
Der Dod läßt sich net foppe –  
Da sitze all die Engel drei  
35 Unn drinke still ihr'n Schoppe ...  
(176 words)

Quelle: <https://www.projekt-gutenberg.org/ettlingk/frankfor/chap022.html>